



www.facebook.com/syrboyi.kz/



www.instagram.com/syrboyi_kz



https://twitter.com/syrboyi



t.me/syrboyi_kz

ПРЕЗИДЕНТ

СЕЙСМИКАЛЫҚ ҚАУІПСІЗДІК МӘСЕЛЕЛЕРІ ПЫСЫҚТАЛДЫ



Мемлекет басшысы Қасым-Жомарт Тоқаевтың төрағалығымен Алматы қаласында сейсмикалық қауіпсіздікті қамтамасыз ету мәселелері жөнінде кеңес өтті. Жиынға Президент Әкімшілігі мен Қауіпсіздік Кеңесінің басшылығы, Үкімет мүшелері, қалалар мен облыстардың әкімдері, сондай-ақ аймақтардағы төтенше жағдайлар департаменттерінің жетекшілері қатысты.

Мемлекет басшысы ел аумағының үштен бір бөлігінде жер сілкінісі қауіпі бар екенін, сейсмологиялық станциялар

соңғы 5 жылда 45 мыңнан астам дүмпуді тіркегенін айтты. Оның көбі – төмен балдық жер сілкінісі.

Президент Алматыда болған төтенше жағдай кезінде тиісті органдар шұғыл әрекет етуге толық дайын

2-бет

САУДА МӘДЕНИЕТІ: ТӘРТІПСІЗДІК НЕДЕН ТУДЫ?

Кеше облыс әкімі Нұрлыбек Нәлібаевтың төрағалығымен өткен шұғыл жиналыста 25 қаңтар күні Қызылорда қаласындағы «В1 Қызылорда» аяққим дүкенінде болған жағдайға баға беріліп, жауапты тұлғаларға шара көрілді. Жиынға қала, аудан әкімдері, жауапты мекеме басшылары қатысты.

Еске салсақ, аталған дүкен «Барлық аяққимдер 1000 теңгеден» акциясын ұйымдастырып, оған тұрғындар көп жиналған. Дүкеннің есігі мен ішкі мүліктерін қиратып, наразылық білдірген. Акциядағы жұртшылықтың іс-әрекеті әлеуметтік желілерде кеңінен таралып, резонанс тудырды.

– Өте ұят жағдай, бұл аймақтың ақпараттық кеңістіктегі оң имиджіне кері әсерін тигізді. Біз өз тарапымыздан мұндай шаралардың алдын алу үшін жұмыс жүргізіп келеміз. Өздеріңіз білетіндей, өткен жылы Қызылорда қаласында «40 қазан палау» акциясы ұйымдастырылып, ол туралы жарияланған ақпараттар біразға дейін талқыланды. Бұрын да қатаң ескерткеніміз, мұндай акцияларды ұйымдастыруға ниет білдірген кәсіпкерлер қала, аудан әкімдігіне алдын ала хабарлау қажет. Құзырлы органдарда көмекке мұқтаж отбасылардың тізімі бар, сондықтан жаппай төбелеске жол бергеннен гөрі, әдресті түрде көмек көрсеткен дұрыс.

2-бет

БАЙҚОҢЫР ҚАЛАСЫНЫҢ БАСШЫСЫМЕН КЕЗДЕСТІ

Кеше облыс әкімі Нұрлыбек Нәлібаев Байқоңыр қаласының басшысы Константин Бусыгинмен кездесті.

Аймақ басшысы Қазақстан мен Ресей мемлекеттік органдарының бірлескен іс-қимылы нәтижесінде «Байқоңыр» кешенін дамыту мәселелері тиімді шешіліп келетінін атап өтті.

– «Байқоңыр қаласын дамытудың ұзақ мерзімді бағдарламасын» іске асыруда және «Байқоңыр» кешені бойынша Қазақстан-Ресей үкіметаралық комиссиясының тапсырмаларын орындауда бірлескен жұмыс жалғасын тапқан. Үкіметаралық комиссияның соңғы отырысында тараптардың өзара түсіністігі мен ынтымақтастығының арқасында қаланың тыныс-тіршілігіндегі мәселелерді реттеу, сондай-ақ кәсіпкерлікті, туризмді дамыту үшін қолайлы жағдай жасау туралы уағдаластыққа қол жетті.

2-бет



Ашық дереккөзден алынды

Қыстың сәні – ақша қар

Қызылордада қыстың сәні енді кіргендей. 25 қаңтарда түскен қардың қалыңдығы 9 сантиметрге жетті. Жаңа жылды қарсыз қарсы алған қызылордалықтар қуанып, бір-бірін алғашқы қармен құттықтап жатты. «Қазгидромет» Қызылорда филиалының бөлім басшысы Әйгерім Жекелованың айтуынша, 24 қаңтардағы қардың қалыңдығы 1-2 сантиметр болса, одан кейін қалыңдап 5, 25 қаңтар күні кешкісін 9 сантиметрге жеткен.

Әйсауле ҚАРАПАЕВА, «Сыр бойы»

6-бет



Суреттер түсіруші Н.П.РЖ.С.Б.Б.И

БӘРЕКЕЛДІ!

МЕМЛЕКЕТТІК СТИПЕНДИЯ ӘДЕБИЕТ ПЕН МӘДЕНИЕТТІң МАЙТАЛМАНДАРЫНА БЕРІЛДІ

Мемлекет басшысының Жарлығымен мәдениет саласындағы стипендия өдебиет пен өнердің 75 қайраткеріне тағайындалды. Алматыда ҚР Мәдениет және ақпарат министрі А.Балаеваның қатысуымен салтанатты жиын өткізіліп, өнер санлақтары марапатқа ие болды. Сыр поэзиясының шынары Қатира Жәленова мен театр тарланы Бақытбек Алпысбаев та мәдениет саласындағы Мемлекеттік стипендияның иегері атанды. Жыл басындағы айтулы жаңалық тек мәдениет сапасы үшін ғана емес, сырбойлықтардың барлығына ортақ қуаныш, ортақ жетістік десек, артық емес.

Дина БӨКЕБАЙ, «Сыр бойы»

6-бет



САРАП

ӘЛЕМ ЭКОНОМИКАСЫ: ЖАҒАННЫҢ ЖАЙЫ МӘЗ ЕМЕС

Биыл жаһандық экономиканың өсу қарқыны бәсеңдейді. Үшінші жыл қатарынан осындай теріс көрсеткіш тіркеліп отыр. Енді дамушы елдерде кедейлік деңгейі одан әрі артуы мүмкін. Таяуда жарияланған Дүниежүзілік банктің «Әлемдік экономиканың болашағы» атты баяндамасы осы сарында. Сонымен, жаһан экономикасын қандай қауіп-қатер күтіп тұр?

ЖАЛПЫ ІШКІ ӨНІМ ЖАРЫТПАДЫ

Дүниежүзілік банк биыл әлемде жалпы ішкі өнім бар болғаны 2,4 пайызға өсуі мүмкін деп болжапты. Жыл сайын көрсеткіш азаюда, мысалы, 2023 жылы өсім 2,6, 2022 жылы – 3, 2021 жылы 6,2 пайыз болған. Сарапшылар жағдайдың жаһандық дағдарыстар кезеңінен де нашар екенін айтып отыр.

2-бет



Ашық дереккөзден алынды

Мадияр ТӨЛЕУ, «Сыр бойы»

